



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

Fargna, Francesco de

Romæ, MDCCXVIII

Casus III. Argumentum. Patronus Laicus an possit variare, novum præsentatum accumulando lite pendente inter præsentatos, quorum nullus cessit liti, aut decessit?

[urn:nbn:de:hbz:466:1-72203](#)

de jurepat. quem sequitur *Lara de Anniversari*, & *Cappellan. lib.2. cap.9. num.14.*, nec Patronus Laicus in Jurepatronatus mixto, ratione communionis cum Ecclesiastico, in quo detestatur variatio, potest variare; quæ tamen opinio reprobaratur à *Lambertino ubi supra num. 5.*

ARGUMENTUM.

Patronus Laicus an possit variare, novum Præsentatum accumulando, lite pendente inter Præsentatos, quorum nullus cessit liti, aut decepsit.

SUMMARIUM.

- 1 Lite pendente inter Patronos principaliter super Jurepatronatus licita non est eis variatio. Limita, ut ibi.
- 2 Lite pendente inter Præsentatos, quorum unus fuit institutus, non potest Patronus alium accumulando præsentare.
- 3 Lite pendente inter Præsentatos, quorum unus cessit, vel decepsit, non potest Patronus alium præsentare. Limita, ut ibi.
- 4 Lite pendente inter Præsentatos potest Patronus variare præsentando Collitigantem. Intellige, ut ibi.
- 5 Orta lite inter Præsentatos, quorum nullus cessit, aut decepsit, & quorum nullus sit institutus, an possint Patroni variare, & alium accumulativè præsentare? Referuntur sententia, & rationes Lambertini, & num. 6., & 7.
- 6 Quod, & quale jus acquiratur ex præsentatione Patroni Laici.
- 8 Referuntur sententia, & rationes eorum, qui sentiunt in hoc casu non esse permisum Patronis Laicis variare, & num. 9. & 10.
- 11 Conciliatur utraque sententia cum distinctione. Vide ibi, & num. 13.
- 12 Lis ad hoc ut sit sufficiens impedire Patronis Laicis facultatem variandi, requiritur, quod non sit calumniosa.

CASUS III.

Comprens Jurepatronatus Laicali pluribus uti singulis ad Beneficium A vacans, unus ex eis præsentavit Titum, alias Cajum. Orta lite inter Præsentatos, primus Patronus variavit accumulando cum Titio Sempronium. Hinc quæritur: An lite pendente inter Præsentatos, quorum nullus cessit liti, aut de-

Pars II.

cessit, Patronus Laicus possit alium præsentare, seu variare accumulando novum præsentatum.

Quæstio hæc satis controversa inter Doctores, ut clarius resolvatur, præsupponendum est tanquam certum.

1 Primo. Quod lite pendente inter Patronos principaliter super Jurepatronatus non possunt isti variando devenire ad aliam præsentationem, nisi ante motam litem, & ante vacationem sint in possessione præsentandi; nam si sunt in possessione præsentandi, possunt in hac possessione continuare, & alium accumulativè præsentare, nisi lis sit etiam super ipsa possessione, eo quia litis motio non debet alicui jus suum auferre, & possessionis commodo quem privare, ad *Text.* in cap. 1., ut lite pendente *Gloss. in cap. ex literis verb. ex literis de jurepat.*, & in cap. cum venissent de in integr. restit. verb. *Electionem, Lancellott. de attentat. par. 2. cap. 4. in prefat. à num. 635. usque ad 652.*

2 Secundo, quod lite pendente inter præsentatos, quorum unus fuit institutus, non possit post hujusmodi institutionem Patronus alium accumulando præsentare, *juxta Text. expressum in cap. 2.*, ut lite pendente in 6., *Garz. de Benefic. par. 5. cap. 9. num. 218. Covar. pract. quæst. lib. vniq. cap. 36. num. 7. §. 3.*

3 Quod lite pendente inter Præsentatos, & uno ex Litigantibus defuncto, aut liticeidente, non possit Patronus alium præsentare *Lambertin. de jurepat. par. 1. lib. 2. quæst. 6. art. 12. num. 19. Gomes super Regul. de subrog. Collitig. quæst. 13. Garz. de Benefic. par. 5. cap. 9. num. 217. Lancellott. de attentat. par. 2. cap. 4. in prefat. num. 655. Rota in Zamoren. Beneficii de Morales 30. Maii 1586. apud Marchesan. de Commiss. par. 1. to. 1. §. 2. pag. mibi 452.*, dummodo præsentatio illius, qui cessit, aut decepsit sit valida, si enim sit nulla, eo quia sit criminolus, aut concubinarius, & hoc ignorabatur à Patrono, potest Patronus Laicus variare alium accumulando, quia in isto casu Patronus Laicus non diceretur variare, sed præsentare, & quia per mortem illius lis est finita, ut expresse docet *Gloss. in cap. 2.*, ut lite pendente in 6. verb. finita, *Lambertin. de jurepat. lib. 2. par. 2. quæst. 7. art. 21. num. 6. Rota decis. 459. num. 29. par. 19. tom. 2. recent.*, &

X in

in Recanaten. Beneficii 9. Maii 1701. S. final. coram R.P.D. Lancetta.

4 Quarto denique, quod lite pendente inter Præsentatos possit Patronus variare præsentando Colligantem, dummodo ex tali præsentatione, & variatione lis non prorogetur, & protrahatur in longum, quia tunc cessat ratio cap. 1., ut lite pendente in 6., nimurum nè propter novos Adversarios litigia prorogari contingat, Roccb. de Curt. de jurepat. verb. honorificum quæst. 23. num. 53. Garz. de benefic. par. 5. cap. 9. num. 220. & seq. Covarr. pract. quæst. lib. unic. cap. 36. num. 7. §. 3. Rota decis. 443. num. 3. coram Merlin. Adden. ad Buratt. dec. 942. num. 8. & dec. 92. num. 4. post Bonden. colluct. legal. tom. 1.

5 Quod igitur controvertitur, & quod hic examinandum mihi proposui, est; an orta lite inter Præsentatos, quorum nullus cessit, aut decepsit, & quorum nullus sit institutus, possint Patroni variare, & alium accumulativè præsentare?

Lambertin. de jurepat. lib. 2. par. 1. q. 6. art. 12. num. 11. cum seqq., affirmativam tuerit sententiam existimans in duobus præsentatis litigantibus habere locum Texum in cap. 2. ut lite pendente in 6., seu quod tunc solum sit prohibita Patronis Laicis variatio lite pendente inter præsentatos, quando unus ex his est in possessione beneficii, dum Texum in cap. 2., solum in hoc casu expessè prohibet præsentantes procedere ad novam præsentationem, non verò habere locum Texum in cap. 1. codem tit. ; quia iste nullatenus loquitur de duobus præsentatis, sed tantummodo de duobus electis non adhuc confirmatis, & inter se litigantibus.

Fundatur etiam in facultate variandi concessa per supradictos Canones indefinitè, & generaliter Patronis Laicis intrà quatinus, & sic etiam lite pendente. Nec hæc variatio lite pendente diceretur attentata, quia attentata regulariter non dantur, nisi concurrant præjudicium Partis, aut contemptus Judicis lite pendente inter Præsentatos, quorum nullus cessit, aut decepsit, & nullus sit in possessione beneficii; Si Patroni variarent tertium accumulativè præsentando cessaret utrumque; Cessaret quidem contemptus Judicis, quia id facerent jure permitten-

te, cessaret quoque præjudicium Partis, scilicet tum Ecclesiæ, quia tertius accumulatus, si esset dignior, posset statim gratificari ab Ordinario, & sic citius provisum remaneret Ecclesiæ, tum Præsentatorum, quia isti non habent jus quoad Beneficium, nec in re, dum hoc jus acquiritur per solam institutionem Ordinarii, nec ad rem, quoniam licet præsentatio facta à Laico, & accepta à Præsentato, in casu, quo Patronus Laicus non possit variare, vel quia elapsum est quadrimestre, vel quia promisit non variare, & permanere in prima præsentatione, tribuat Præsentato idoneo jus ad rem, itaut illi soli, & non alteri conferendum sit Beneficium, ut docent Berou. in dicto cap. quod autem num. 29. §. Et si, Calderin. conf. 17. de jurepat. Lambertin. de jurepat. lib. 2. par. 2. quæst. 5. art. 8. num. 4. Vivian. eodem tract. lib. 8. cap. 8. num. 1. Tamen præsentatio facta à Laico, casu quo ipse potest variare, vel in actu secundo variavit plures accumulando non dat præsentato jus ad rem, sed solum dat ei jus prosequendi institutionem, seu pertendi coram Ordinario, ut præsentatio habeat suum effectum, vel determinatè favore sui, si sit solus præsentatus, vel alternativè favore sui, aut alterius compræsentati, si est alius compræsentatus, & si sint æquè idonei, ita Bero. in dicto cap. quod autem num. 25. ibique Eutr., & Anan. Imal. in Clement. 1. de suppl. neglig. Prelat. num. 33. Capon. discept. 74. num. 14. tom. 2.

7 Et ratio videtur esse, quia si sola litis motio inter Præsentatos impedit Patronis jus variandi, aperiretur via fraudibus; nam præsentati facile possent inter se movere litem, ut sic Patronus non posset variare alium cum ipsis accumulando, ut considerat Lancellott. de attent. par. 2. cap. 4. in præfat. num. 644., & hanc Sententiam Lambertini sequi videtur Rota in Hipporegien. Parochialis 21. Junii 1700. §. Est certum coram Reverendissimo Molines Decano.

8 E contra sunt alii, & quidem gravissimi Doctores, qui sentiunt in hoc casu non esse permisum Patronis Laicis variare alium accumulativè præsentando, nisi adsit statutum, aut consuetudo, quod Patroni etiam lite pendente inter præsenta-

tos possint variare, ut expressè tuerentur
Calderin. conf. 1. ut lite pendente, Cravett.
conf. 63. num. 3. in fine, Gomes super Regul.
de subrogat. Collitig. quæst. 13. ubi refutat
Lambertinum, Crescent. decis. 10. de jure
pat. Cassador. decis. 3. ut lite pendente n. 2.
Covarr. pract. quæst. lib. unic. cap. 36. n. 7.
§. Tertio, Lancellott. de attenc. par. 2. cap. 4.
in præfat. num. 675. & 693. & 696. Garz.
de Benefic. par. 5. cap. 9. num. 217. Barbos.
de offic. & potest. Episcop. par. 3. alleg. 72.
num. 162. Rota decis. 442. num. 6. par. 1.
diversi. & decis. 443. num. 2. coram Mer-
lin. Adden. ad Buratt. decis. 942. num. 7.
& decis. 280. num. 1. & decis. 333. num. 1.
coram Cavaler. & decis. 92. num. 3. post
Bonden. colluct. legal. tom. 1.

9 Moventur autem isti Doctores ex *Tex-*
tu in cap. 1. ut lite pendente in 6., qui licet
 loquatur de Electis, comprehendit etiam
 Præsentatos inter se litigantes. Tota-
 namque ratio quare prohibeatur *in dicto*
cap. 1. Electoribus devenire ad novam
electionem, quando lite pendente inter
Electos, unus ex eis cessit, aut decessit,
est præjudicium, quod resultaret ex hu-
jusmodi nova electione, tum respectu Ec-
clesiæ, quia lis, & sic etiam provisio Ec-
clesiæ protraheretur in longum, tum re-
spectu superstitionis, quia ipsi daretur novus
Collitigans; haec eadem ratio militat
etiam in casu, quo lite pendente inter
duos præsentatos Patroni Laici deveni-
rent ad præsentationem accumulativam
alicujus tertii; Ex hac namque nova præ-
sentatione accumulativa adesset præju-
dicium Ecclesiæ, quia lis, & consequen-
ter etiam provisio ejusdem Ecclesiæ pro-
traheretur in longum, dum non obstante
hac præsentatione de novo facta, adhuc
esset discutendum de jure duorum pri-
mò præsentatorum, & fieri posset, quod
unus ex his haberet jus respectu tertii,
& non respectu alterius compræsentati,
aut respectu alterius compræsentati, &
non respectu tertii, & sic omni casu esset
quærendum de jure primò præsentato-
rum. Calderin. conf. 1. ut lite pendente,
Covar. pract. quæst. lib. unic. cap. 36. Ades-
set etiam præjudicium eorumdem præ-
sentatorum, non quidem quoad hoc, ut
eorum præsentatio non fortiretur esse
etum, sed quoad hoc nimis, quia ultimò
præsentatus potest esse potentior

Pars II.

primò præsentatis, & sic eis daretur du-
 rior Adversarius, & multò majores ex-
 pensas ipsi subire cogerentur, *Lancellott.*
de attens. par. 2. cap. 4. in præfat. nu. 175.
 Cum igitur militet eadem ratio tam in
 electis, quam in præsentatis inter se litig-
 antibus, militare etiam debet in utro-
 que casu eadem dispositio dicti cap. 1. ex
 tradiri. per *Calderin. conf. 1. ut lite pendente.*
Rota decis. 333. num. 1. coram Cavaler., &
in Salamtina Cappellaniæ 20. Novembris
1590. & 5. Julii 1593. apud Garz. de Be-
nefic. par. 6. cap. 4. n. 39. & 41.

10 Non officit, quod juxta *Text. in cap. 2.*
ut lite pendente in 6. solùm sit prohibita no-
 va præsentatio, quando lite pendente in-
 ter præsentatos unus ex eis est in posses-
 sione Beneficij, non verò quando neuter
 est in hac possessione. Quoniam licet
Text. in d. cap. 2. loquatur in casu, quo
unus ex præsentatis est in possessione Be-
neficij, comprehendit tamen etiam ca-
sum, in quo neuter ex præsentatis sit in-
possessione; Ratio est, quia non posse-
fio, sed sola lis est illa, quæ impedit li-
bertatem, & jus variandi, quod habet
Patronus Laicus intrà quatuor menses,
dum si inter duos præsentatos nulla esset
lis, & unus ex eis esset in possessione Be-
neficij, & iste moreretur intrà quatuor
menses, posset unus ex Patronis intrà
eundem terminum alium præsentare ac-
cumulativè cum superstite. Si verò inter
duos præsentatos, quorum unus sit in
possessione Beneficij esset lis, & iste mo-
reretur intrà terminum juris, non posset
Patronus variare alium accumulativè præ-
sentando cum superstite, juxta d. cap. 2.
 Ergo sive præsentati sint in possessione,
 sive non; si inter ipsos sit lis, haec sola
 est illa, quæ impedit Patrono jus varian-
 di, propter duplex supradictum præjudi-
 cium, quod inde resultaret, tum Ecclesiæ,
 tum præsentatorum. *Covar. pract. quæst.*
lib. unic. cap. 36. n. 7. §. Tertiò.

11 Ego verò pro concordia utriusque sen-
 tentiæ distinguo, aut lis inter Præsen-
 tatos est super titulo Beneficij, eo quia
 ex gr. unus ex præsentatis Sacerdos præ-
 tendat Beneficium esse actu Sacerdotale;
 & alius ex præsentatis, qui infra annum
 promoveri potest ad Sacerdotium præ-
 tendat esse habitu tantum Sacerdotale;
 Aut est super ipsam præsentatione, eo

X 2 quia

quia voces præsentantium ex. gr. sicut in discordia dispartitæ; Et in hoc casu censeo procedete secundam sententiam, nimirum, non posse Patronos variando tertium accumulativè præsentare, ob auctoritates, & rationes pro hac sententia superius deductas; quia si Patroni in hoc casu variando tertium accumulativè præsentarent, per hujusmodi novam accumulativam præsentationem lis adhuc non finiretur, immo in longum protrahetur, dum non obstante hac nova præsentatione, adhuc esset querendum de iuribus primò præsentatorum in grave præjudicium tum Ecclesiæ, quia hujus provisio prorogaretur, tum eorumdem præsentatorum, quia isti ob novum colligantem tenerentur subire majores expensas.

12 Nec admissa hac sententia aperiretur via fraudibus, eo quia Præsentati facile possent inter se movere litem, ut sic Patronus non posset variare alium cum ipsis accumulando; Quoniam non omnis lis inter Præsentatos est sufficiens impedire Patronis Laicis facultatem variandi, sed solum illa, quæ non est calumniosa, seu quæ præfert aliquem colorem boni juris. *Rof. de execut. lier. Apotholic. part. I. cap. 17. num. 170. Adden. ad Gregor. decis. 149. num. 5. Rota in Gerunden. Beneficii 11. Junii 1702. S. Responsum coram Reverendiss. Molines Decano, & in Regien. jurispatronatus 16. Januarii 1706. S. Haud relevante coram eodem.*

Neque Rota in dicta Hipporegian, Parochialis tuerit in hoc casu posse Patronos devenire ad novam præsentationem accumulativam, immo in S. Constituto, sentit, si Patroni hoc casu devenirent ad novam præsentationem, hanc esse attentatam ibi — *Quinimo cum à sententia Reverendissimi Nuntii Taurinen. fuerit appellatum, & duraret adhuc lis inter Coelestos, non erat licitum citra vitium attentatorum devenire ad secundam electionem.*

13 Aut lis inter Præsentatos est super idoneitate, eo quia unus ex Præsentatis prætendat alium Compræsentatum esse e. gr. irregularem, illegitimum, concubinarium, criminosum, simoniacum, aut non habere requisita necessaria ad obtinendum Beneficium (qui tamen defectus erant incogniti Præsentantibus) & in hoc

casu censeo procedere sententiam Lambertini, & quod Patroni possint variare, & tertium accumulativè præsentare, qui tamen sit dignior, non autem si sit æquè dignus, aut minus dignus. Per hujusmodi enim præsentationem accumulativam tertii dignioris, citius soperetur lis, dum ille dignior statim ab Ordinario gratificari posset, & sic cessaret in hoc casu ratio prohibitiva *Text. in d. cap. 1. ut lite pendente*, nimirum præjudicium Ecclesiæ, quia citius ei provisum remaneret, & præjudicium eorumdem primò Præsentatorum, tum quia isti in hoc casu non haberent jus, nec in re, nec ad rem, ut superius notatum fuit in §. *Fun-datur*, tum quia non cogerentur subire majores expensas, cum cessaret lis.

ARGUMENTUM.

Patronus Laicus facta promissione, aut facto mandato procuræ præsentandi aliquem cum juramento non variandi nec privativè, nec accumulativè; Si deinde variet alteram personam accumulativè præsentando, an hujusmodi præsentatio accumulativa sustineatur, & an sit locus absolutioni à juramento ad effectum agendi pro rescissione dictæ promissionis, aut mandati procuræ?

SUMMARIUM.

- 1 *Actus gestus contra proprium juramentum præcedens, an, & quando sustineatur?* & num. 9.
- 2 *Patronus facta promissione, aut præsentatione certæ personæ, cum juramento non variandi privativè, potest alium validè accumulativè præsentare.*
- 3 *Patronus facta promissione, aut facto mandato procuræ ad præsentandum, aut facta præsentatione certæ personæ cum juramento non variandi, nec privativè, nec accumulativè, & hoc promisso, aut præsentatio jurata sit acceptata à Præsentato, si deinde variet alium accumulativè præsentando, hujusmodi variatio accumulativa non sustinetur, & quare?* Vide num. 4. & 5. *Limita, ut num. 7.*
- 5 *Præsentatio accumulativa facta à Patrono contra proprium juramentum præcedens non variandi; nec privativè, nec accumulativè, an, & quando sit præjudicialis primò Præsentato?*

Mulier